

Útfarapjónustur

KYNNINGARBLAÐ

MIÐVIKUDAGUR 6. október 2021

Kynningar: Granítsteinar, Útfararstofa Kirkjugarðanna



„Starfsfólk Granitsteina er með áralanga reynslu af vinnslu og uppsetningu legsteina,“ segir Sigurður Hjalti Magnússon, framkvæmdastjóri Granitsteina.

FRÉTTABLAÐIÐ/ANTON BRINK

Fallegir legsteinar sem henta íslenskum aðstæðum mjög vel

Granítsteinar sérhæfa sig í legsteinum og bjóða í dag upp á eitt mesta úrval landsins af legsteinum. Starfsfólk fyrirtækisins veitir alhliða ráðgjöf þegar kemur að vali á steinum og fylgihlutum.

Fyrirtækið Granítsteinar var stofnað 2008 og hefur frá upphafi sérhæft sig í bæði legsteinum og borðplötum. Undanfarin ár hefur fyrirtækið vaxið jafnt og þétt og býður í dag upp á eitt mesta úrval landsins af legsteinum, að sögn Sigurðar Hjalta Magnússonar, framkvæmdastjóra Granítsteina. „Starfsfólk Granítsteina er með áralanga reynslu af vinnslu og uppsetningu legsteina. Við bjóðum upp á fjölbreytt úrval legsteina í nokkrum litum, stóra og smáa og sérsmíðum einnig steina samkvæmt óskum viðskiptavina okkar.“

Aðspurður hvort tiskusveiflur hafi áhrif á val fólks á legsteinum segir Sigurður að bransinn vinni meira með klassíkina. „Flestir vilja svart granit sem er að sjálfsögðu

afar endingargott og hentar mjög vel við íslenskar aðstæður. Við höfum þó fundið það síðustu árin að fólk er orðið óhræddara við að velja litríkari steina og óhefðbundin form sem er að mínu mati jákvæð þróun.“

Einfalt ferli

Ferlið við að velja stein er afar einfalt og þægilegt, segir Sigurður. „Annað hvort koma viðskiptavinir til okkar eða senda okkur fyrirspurn í tölvupósti. Við ráðleggjum þeim varðandi val á steinum, til dæmis tegund af steini og stærð sem hentar hverjum og einum. Því næst gerum við próförk af steininum þar sem áletrunin og aukahlutir eru á sínum stað sem auðveldar fólki að sjá fyrir sér lokaútkomuna.“ Granítsteinar

bjóða einnig upp á blómaramma í sömu litum og legsteinarnir. Þeir koma í þremur lengdum; 60 cm, 80 cm og 120 cm.

Að ýmsu þarf að huga við val á steinum, að sögn Sigurðar. „Það gilda til dæmis mismunandi reglur milli duftgrafreita varðandi stærðir legsteina og jafnvel ólíkar reglur eftir slíkum grafreitum. Því er mikilvægt láta starfsfólk Granítsteina hafa samband snemma í ferlinu við umsjónarmann viðkomandi duftgrafreits sem veitir tilsögn í slíkum málum.“

Fjölbreytt úrval fylgihluta

Þegar búið er að velja sjálfan steininn er komið að því að huga að áletruninni. „Granítsteinar bjóða upp á ýmsar lausnir þegar kemur að áletrunum á legsteina. Þar má meðal annars nefna ígrafnar áletranir, upphleyptar áletranir og koparstafi. Samhliða áletrun huga margir að ígröfnum myndum en þar bjóðum við líka upp á gott úrval af myndum sem henta hverjum og einu. Starfsfólk okkar aðstoðar fólk við að útbúa myndir ef þess er óskað.“

Einnig má nefna að Granítsteinar bjóða upp á fjölbreytt úrval fylgihluta í samstarfi við Biondan, sem er leiðandi fyrirtæki í framleiðslu aukahluta sem standast krefjandi íslenskt veðurfar. „Það má skoða úrvalið í verslun okkar í Helluhrauni 2 í Hafnarfirði en auk þess má sérpanta aukahluti frá Biondan.“

Æskilegt er að minnsta kosti eitt ár hafi liðið frá greftrun þar til steinn er settur upp, til að koma í veg fyrir að steinninn verði skakkur. „Þegar kemur að uppsetningu legsteinsins bjóðum við upp á uppsetningu hans í nágreppi höfuðborgarsvæðisins gegn vægu aksturgjaldi. Auk þess sendum við legsteina út á land viðskiptavinum að kostnaðarlausu.“

Styttist í jólin

Nú þegar haustið er komið segir Sigurður tilvalið að huga að leiðum ástvina fyrir jólahátíðirnar. „Tíminn getur verið fljótur að liða í annríki dagsins og því gott að vera tímanlega í þeim framkvæmdum. Í því sambandi má nefna að Granítsteinar þjónusta allar tegundir legsteina, hvort sem um er að ræða endurmálun á áletrun, þríf eða að bæta við áletrun á legsteininn. Ef komið er með steina til okkar sjáum við einnig um að áletra slíka steina.“ ■

Granítsteinar eru í Helluhrauni 2 í Hafnarfirði. Sími 544 5100. Nánari upplýsingar á granitsteinar.is.



„Starfsfólk Granítsteina er með áralanga reynslu af vinnslu og uppsetningu legsteina. Við bjóðum upp á fjölbreytt úrval legsteina í nokkrum litum, stóra og smáa og sérsmíðum einnig steina samkvæmt óskum viðskiptavina okkar,“ segir Sigurður Hjalti Magnússon, framkvæmdastjóri Granítsteina.

FRÉTTABLAÐIÐ/
ANTON BRINK



Granítsteinar selja mjög gott úrval legsteina og úrval fylgihluta. Dökkt granítið er alltaf vinsælt en síðustu ár hefur fólk orðið óhræddara við að velja aðra litrikari steina og óhefðbundin form.

Hlusta á þarfir aðstandenda á kveðjustund

Á Útfararstofu Kirkjugarðanna starfar fólk af mikilli fagmennsku með fjölbreytta menntun og áratuga reynslu af útfararþjónustu. Útfararstofan hefur starfað í yfir 70 ár og þjónustar fólk allan sólarhringinn alls staðar að af landinu og óháð trúarbrögðum.

Þegar andlát náins aðstandanda verður aðstoðar Útfararstofa kirkjugarðanna fólk við allan undirbúning útfararinnar. Starfsfólk útfararstofunnar sér um alla þjónustu vegna andlátsins, allt frá líkflutningi til hinstu hvílu.

„Við aðstoðum í raun og veru við allt sem við kemur útförinni, eins og að bóka prest, kirkju, tónlistarfólk og blóm. Við aðstoðum fjölskylduna við að afla leyfa og veita upplýsingar um réttindi og fylgjum fjölskyldunni í gegnum allt ferlið, kistulagningu, jarðarför og upp í kirkjugarð,“ segir Guðný Hildur Kristinsdóttir, framkvæmdastjóri Útfararstofu kirkjugarðanna.

„Við bjóðum fólki að koma í viðtal til okkar í hlýlegu umhverfi í Vesturhlíð 2 en við getum einnig komið í heimahús. Við sækjum þann látna ef andlát verður í heimahúsi og bjóðum aðstandendum upp á nærverustundir ef einhver hefur ekki haft tók á að koma að dánarbeðinu.“

Guðný segir að hjá Útfararstofu kirkjugarðanna sé alltaf einhver við simann allan sólarhringinn allt árið þar sem andlát geta borið að á öllum tímum.

„Við leggjum áherslu á að hlusta á óskir aðstandendanna og að þeir fái aðstoð við að gera útförina persónulega. Þegar aðstandendur koma í viðtal látum við þá hafa gátlista og við förum yfir þau atriði sem þarf að huga að, skref fyrir skref. Stundum hefur hinn látni komið fram með óskir um hvernig útförin á að vera áður en hann fellur frá. Aðrir hafa hins vegar aldrei rætt það við sína nánustu. Þá hlustum við á óskir aðstandenda og reynum að mæta þeim.“

Þjónusta óháð trúarbrögðum

Útfararstofa kirkjugarðanna leggur metnað í að þjónusta alla óháð trúarbrögðum. Hægt sé að fá allar kistur án krossa og hægt er að fá önnur tákni eða myndir á kisturnar eða duftkerin ef fólk vill.

Þó að útfararstofan sé með aðsetur í Fossvoginum í Reykjavík þjónustar hún allt landið. Til dæmis er veitt aðstoð við flutning á hinum látna verði andlátið á landsbyggðinni en útförin á höfuðborgarsvæðinu eða öfugt.

„Sömuleiðis veitum við aðstoð við flutning á kistu eða duftkeri milli landa ef andlát er erlendis og flytja þarf hinn látna heim eða ef viðkomandi deyr hérlandis en á að vera jarðsettur erlendis. Þá fá aðstandendur aðstoð við að afla allra leyfa til að flytja hinn látna,“ segir Guðný.

„Við erum í samstarfi við tryggingarfélag og útfararstofur erlendis og aðstoðum aðstandendur ef skyndilegt andlát verður hér á landi hjá til dæmis ferðamönnum. Það þarf að afla mikilla pappíra og gagna og við leiðum fólk í gegnum það ferli.“

Samtal um hinstu ósk

Útfararstofa kirkjugarðanna býður upp á samtal um hinstu ósk. Það er að segja óskir varðandi eigin útför.

„Það geta verið ýmsar ástæður fyrir að fólk vilji skrá sínar óskir. Sumir eru veikir og vita að þeir eru dauðvona, svo eru aðrir sem vilja bara ákveða þetta fyrir fram til að



Starfsfólk Útfararstofu Kirkjugarðanna leggur sig fram um að koma til móts við óskir aðstandenda á kveðjustund.

FRÉTTABLAÐIÐ/ANTON BRINK



Í Vesturhlíð 2 er sýningarherbergi með kistum, duftkerjum, leiðismerkingum, rúmfötum og líkklæðum.

MYND/ADSEND

gera aðstandendum sínum auðveldara að skipuleggja útförina,“ útskýrir Guðný.

„Við látum fólk fá bækling og bjóðum fólki að fara yfir hann í sameiningu en sumir vilja taka hann með heim og fylla inn þar. Óskirnar eru varðveittar hjá útfararstofunni sem kynnir þær fyrir aðstandendum þegar að andláti kemur.“

Öll þjónusta á einum stað

Útfararstofa kirkjugarðanna er til húsa í Vesturhlíð 2 þar sem má finna sýningarherbergi með kistum, duftkerjum, leiðismerk-

ingum, rúmfötum og líkklæðum. Duftkerin og kisturnar sem útfararstofan býður upp á eru vistvænar. Á vefsíðu útfararstofunnar, utfor.is, er vefverslun þar sem hægt er að kaupa til dæmis krossa, kistur og duftker beint.

„Vefversluninni er ætlað að auka þjónustuna við þá sem búa til dæmis úti á landi. Þar er hægt til dæmis panta krossa sem við sendum hvert á land sem er eða förum með í kirkjugarðana á höfuðborgarsvæðinu,“ segir Guðný.

„Við erum með íslenskar og erlendar kistur og duftker. Við



Guðný Hildur, framkvæmdastjóri Útfararstofu Kirkjugarðanna, segir markmið útfararstofunnar að benda aðstandendum á leiðir sem henta þeim.

erum með svartar kistur, hvítar kistur og rauðar kistur, ýmiss konar viðarkistur og fjölbreytta liti af duftkerjum. Við viljum bjóða upp á eitthvað fyrir alla. Ef hinn látni hélt til dæmis mikið upp á grænan lit þá geta ættingjarnir valið græn duftker eða græna kistu, ef einhver var hrifinn af fuglum þá reynum við að koma til móts við það. Við förum eftir því hvað fjölskyldan vill og hlustum á þarfir hennar, en bjóðum ekki upp á fyrir fram gefnar leiðir,“ útskýrir Guðný.

„Í rauninni er kista það eina sem verður að hafa og ef það er bálför

þá er nauðsynlegt að hafa duftker líka. Allt annað er valfrjálst. Það er engin skylda að hafa athöfn, prest eða kirkju. En langflestir óska þess þó að hafa hefðbundna kveðjustund. Markmiðið með okkar þjónustu er ekki að segja aðstandendum hvað þeir eiga að gera. Við bendum þeim á leiðir og aðstoðum þá við að finna leiðir sem henta þeim og samræmast óskum þess látna.“ ■

Nánari upplýsingar á utfor.is eða hjá Útfararstofu Kirkjugarðanna Vesturhlíð 2, sími 551 1266

Merking moldar, kross, blóma og blæju við útför

Tákn í útförum hafa djúpstæða merkingu.

thordisg@frettabladid.is

Mold kemur við sögu í útförum. Þegar prestur kastar rekunum, tekur hann litla skóflu, fyllir hana af mold og lætur þrisvar renna úr skóflunni á kistuna með orðunum: „Af jörðu ertu kominn – að jörðu skaltu aftur verða – af jörðu skaltu aftur upp rísa,“ eða „Sáð í dauðlegu, en upp rís ódauðlegt. Sáð er í veikleika, en upp rís í styrkleika. Sáð er í jarðneskum líkama, en upp rís andlegur líkami.“

Þetta heitir moldun og tákna-
líf – dauði – líf. Þessum orðum er
líka ætlað að minna á fyrrirheit sem
okkur voru gefin við skírninga: að
Guð er með okkur í lífsins amstri, í
dauðanum og í hinu eilífa lífi.

Þetta merkir einnig að við erum
fædd jarðneskar manneskjur. Við
erum sköpuð af Guði, eins og öll



jarðnesk sköpun. Það fylgir okkur sem börnum jarðar að snúa aftur til moldarinnar. Við erum hluti af hinni líffræðilegu keðju lífsins.

Samkvæmt kristnum mann-
skilningi erum við hins vegar meira
en mold. Við erum líka andlegar
verur, því að við erum sköpuð í
Guðs mynd. Trúin á upprisú Jesú
Kristi frá dauðum gefur okkur von
um að slík upprisa sé okkur einnig
búin. Við vitum ekki með hvaða

hætti það gerist eða hvenær. En á sama hátt og Jesús lagði líf sitt og dauða í hönd Guðs þá getum við jafnframt gert það.

Kross

Krossmarkið er sameiginlegt tákn allra kirkjuathafna. Tákn krossins er líka hluti af blessuninni sem lýst er í hverri guðsþjónustu:

„Drottinn blessi þig og varð-
veiti þig. Drottinn láti sína ásjónu

lýsa yfir þig og sé þér náðugur,“ og „Drottinn upplyfti sínu augliti yfir þig og gefi þér frið.“

Krossinn er sterkasta tákn kristinnar trúar. Flestum er kunnugt um að krossinn var í upphafi pyntingartæki. En eftir upprisu Jesú Krists frá dauðuð varð krossinn að sigurtákni kristinnar trúar, tákn um að lífið og kærleikurinn sigri dauða og myrkur.

Blóm

Blóm eru tákni um líf og frjósemi, en þau minna líka á forgengileikann. Þau vaxa, blómstra og deyja, eins og mannfólk. Blóm geta líka verið tákni um áhyggjuleysi og það að lífa fyrir líðandi stund – í núnu. Jesús segir að við eigum að líta til lílja vallarins því þær hafi ekki áhyggjur en blómstri eigi að síður.

Þegar við gefum öðrum blóm
tjáum við umhyggju og segjum
með því að við séum hluti af lífi
viðkomandi. Við jarðarfarir eru

blóm í mikilvægu hlutverki. Það eru árstíðabundin blóm eða uppáhaldsblóm hins látna. Síðan er farið með kransa og blóm að grófinni. Ef um bálfor er að ræða geta aðstandendur lagt blóm og kransa á legstaði annarra ættingja eða staði þar sem hægt er að leggja blóm og kransa.

Líkklátur/andlitsblæja

Líklbæjan yfir andliti hins látna minnir á klútinn sem var notaður til að þerra vatn af höfði hans við skírnina. Áður fyrr var þessi klútur varðveittur sem gersemi væri. Á færingardegi var hann notaður sem jakkavasaklútur drengja og í sálmaðókum stúlkna. Í skírninni er einstaklingurinn með bæn og blessun helgaður Jesú Krísti sem elskar manninn að fyrra bragði og heldur honum í faðmi sínum. Andlitsbæjan minnir á kærleika Guðs sem fylgir okkur í gegnum lífið og inn í eilífiðina.

Heimild: utforikirkju.is ■



FRÍMANN & HÁLFDÁN

ÚTFARARÞJÓNUSTA



Frímann
897 2468



Hálfmán
898 5765



Kristín
699 0512



Ólöf
898 3075

Stapahrauni 5, Hafnarfirði | 565 9775
www.uth.is | uth@uth.is



Fagmennska Virðing Umhyggja

Önnumst alla þætti útfarar af fagmennsku,
með virðingu og umhyggju að leiðarljósi



BORG

ÚTFARARÞJÓNUSTA

borg@borgutfor.is • borgutfor.is

Umsjón útfara



Gréta Björgvinsdóttir
s: 770 0188



Guðný Bjarnadóttir
s: 869 7522